

PLEIV SUMVITG

Radunonza da pleiv 2024/01

Protocol

datum e temps	gievgia, 16-05-2024, allas 20.00
liug	scola, Surrein
envidai	parochianas e parochians pleiv Sumvitg
perstgisas	Thomas Bieler, commember dalla cumissiun da gestiun, Rabijs, Lisbeth Bieler, Rabijs, Giusep Bearth, Sumvitg, Guido Wieland, Sumvitg, Giuanna Albin-Pelican, Surrein, Flurin Cathomas, Sumvitg, Patrick Schaniel, Sumvitg
presents	39
absolut pli	20

Tractandas

1	Beinvegni
2	Elecziun da 2 dumbravuschs
3	Approbaziun dil protocol dalla radunonza da pleiv dils 25-05-2023
4	Rapport dil president
5	Rapport dalla menadra dil cussegl pastoral
6	Presentaziun dil quen annual 2023
7	Rapport dils revisurs ed approvaziun dil quen 2023
8	Presentaziun ed approvaziun dil preventiv 2024
9	Fixaziun dil pei da taglia per 2025
10	Niev indrez d'arver e serrar las finiastras ella baselgia a Sumvitg e concessiun dil credit da frs. 25'000.
11	Orientaziuns
12	Varia

1. Beinvegner

Il president Walter Deplazes arva la radunonza e beneventa ils presents. La gliesta da tractandas vegn approvada unanimamein.

2. Elecziun da 2 dumbravuschs

Sco dumbravuschs vegnan Marcus Duff, Laus e Giuliana Candinas-Schmed, Surrein proponi ed elegi.

3. Approbaziun dil protocol dalla radunonza da pleiv dils 25-05-2023

Il protocol dalla davosa radunonza da pleiv ei publicaus silla pagina d'internet dalla pleiv.

Il protocol vegn approbaus unanimamein.

4. Rapport dil president

En siu extendiu e detagliau rapport lai il president Walter Deplazes repassar il curriu e passau duront igl onn vargau ed engrazia cordialmein a tuts involvai sin ina moda ni l'autra.

(Il rapport ei disponibels silla pagina d'internet www.pleivsumvitg.ch).

5. Rapport dalla menadra dil cussegl pastoral

La menadra dil cussegl pastoral Gabriela Lutz rapporta sur dall' activitad da quei gremi dapi la davosa radunonza da pleiv.

(Il rapport ei disponibels silla pagina d'internet www.pleivsumvitg.ch).

6. Presentaziun dil quen annual 2023

Era uonn ei il quen annual cul rapport dils revisurs buca vegnius tarmess tier per posta e mintga casada. Quels documents ein d'anflar silla pagina d'internet dalla pleiv.

L'administratura Giuliana Gienal presenta il quen culs detagls leutier.

Il quen siara cun in surpli d'expensas da frs. 4'803.25.

La suprastonza da pleiv ha decidiu da sliar ils fondos "Legat Carigiet-Tschuor" e "Legat Anna Maria Caplazi" damai ch'igl intent stipulau per quels legats ei buca pli adataus al temps dad oz ed ei vegn consequentamein era buca pli fatg diever da quels daners.

7. Rapport dils revisurs ed approvaziun dil quen 2023

La revisiun dil quen ei vegnida fatga dalla cumissiun da gestiun dalla quala fan part:

- Cornelia Deplazes, Surrein,
- Thomas Bieler, Rabiis,
- Fabian Collenberg, Sumvitg.

Fabian Collenberg presenta il rapport da revisiun e propona d'approbar il quen sco presentaus.

Il quen vegn appobaus unanimamein.

8. Presentaziun ed approvaziun dil preventiv 2024

L'administratura Giuliana Gienal presenta il preventiv 2024.

Il quen current preveda in surpli d'expensas da frs. 9'105.00.

Il preventiv dil quen current per igl onn 2024 vegn approbaus unanimamein.

9. Fixaziun dil pei da taglia per 2025

La surpastonza propona da fixar il pei da taglia pigl onn 2025 sco tochen dacheu sin 18 % dalla taglia sempla dil cantun.

La proposta dalla suprastonza vegn approvada unanimamein.

10. Niev indrez d'arver e serrar las finiastras ella baselgia a Sumvitg e concessiun dil credit da frs. 25'000

Las surfatschas stgiras vid pliras parts dils mirs dalla baselgia da Sumvitg vegnan adina pli grondas e muossan gia dapi daditg ch'il clima en baselgia, vul dir la humiditad ei in problem. Humiditad vegn purtada en baselgia entras la glieud che vegn als survetschs divins ed en special entras l'aria humida che vegn tras las finiastras ni l'escha aviarta viaden en baselgia. Quell'aria humida condensescha vid las preits freidas e vid quell'aua sillas preits tacca la puorla che ei adina pauc ni bia ell'aria. Quella puorla taccada vid las preits lai daventar quellas stgiras e neras. Per evitar quei fenomen fetg natural dat ei nuot auter che da luftegiar endretg la baselgia.

Ord quei motiv duein 4 finiastras survegnir in motor che arva e siara quellas il dretg mument. Il pilotadi che ei gia installaus pil scladament sa era vegnir duvraus per dar il camond dad arver ni serrar las finiastras. Ella baselgia da Rabiis funcziunescha quei dapi la davosa renovaziun gia aschia.

Il project niev indrez dad arver e serrar las finiastras ella baselgia a Sumvitg ed il credit da frs. 25'000 vegnan approvai unanimamein.

12. Orientaziuns

1. Fiastas da baselgia

Gievgia, ils 30 da matg, Sontgilcrest a Sumvitg per l'entira pleiv cun participaziun digl uestg Mar Thomas da Bathery, igl uestgiu da sur Saji.

Dumengia, ils 23 da zercladur, fiasta da sogn Mudest, perdanonza a Sumvitg cun avat Vigeli dalla claustra da Mustér.

Dumengia, ils 25 d'uost, fiasta dil cor da Maria, perdanonza da Surrein.

Dumengia, igl 1. da settember, fiasta dil num da Maria, perdanonza a Rabius.

Dumengia, ils 29 da settember conta il chor da dunnas da Oberriet a caschun dil survetsch divin a Rabius. Manuela Gschwend-Berther, feglia da Letizia e Mudest Berther conta en quei chor ed ha aschia procurau per quella purschida speciala en baselgia a Rabius.

2. Caluster

Nies caluster Marcel Phöl ha abdicau sia piazza sils 31 da fenadur 2024. Dapi 8 onns ei Marcel in da nos calusters. Per saver porscher ad el ina piazza cun in pensum adequat, ha la suprastonza surdau ad el pliras incumbensas sper il pensum da caluster. Aschia fa el las lavurs necessarias els treis santeris, betta ora la neiv, segida tier satrar ed auter e suna l'orgla en nossas baselgias cu quei fa basegns.

La suprastonza da pleiv deplorescha sia abdicaziun, capescha denton ch'el vul en ses giuvens onns s'orientar da niev.

El ei vegnius elegius caluster dalla pleiv da Näfels nua ch'el entscheiva sia piazza nova igl 1. d'uost 2024.

La pleiv pren cumiau dil caluster Marcel a caschun dalla fiasta da Chor da Maria a Surrein, ils 25 d'uost.

3. Votaziun Revisiun totala dalla constituziun dalla Baselgia catolica dil Grischun

La constituziun vertenta dalla Baselgia catolica dil Grischun datescha digl onn 1959 aschia ch'ina revisiun ei indicada. Culla nova constituziun vul ins definir e differenziar meglier ils pensums dalla Baselgia catolica dil Grischun e dallas pleivs sco era quels digl uestgiu e dils uffecis parochials. La votaziun sur da quella nova constituziun vegn menada atras a caschun dallas votaziuns federalas e cantunals dils 22 da settember 2024. La canzlia cummunala ei sepurschida dad organisar quella votaziun per la pleiv.

4. Fossa communabla el santeri da Rabius

Gia dapi entgin temps vegn il giavisch da parochianas e parochians da Rabius e da Surrein per ina fossa communabla els santeris da Rabius e da Surrein adina puspei exprimius visavi la suprastonza dalla pleiv. Sinaquei ha la suprastonza dalla pleiv inoltrau il december 2021 alla suprastonza communala il giavisch da realisar ina fossa communabla el santeri a Rabius.

Cun scriver dils 10 da december 2021 surdat la suprastanza communal a la suprastanza dalla pleiv l'incarica dad elaborar in project cun cuosts per ina fossa communabla el santeri a Rabius. Sch'il giavisch seigi avon maun duei lu era vegnir realisau in fossa communabla el santeri a Surrein.

La suprastanza dalla pleiv ha ensemen cul genau responsabel pils santeris, Rest Andriu Bearth, priu investa da fossas communablas en plirs santeris dall'entira Surselva ed ha lu elaborau l'idea per la formaziun dad ina fossa communabla pils santeris da nossa vischnaunca.

La suprastanza communal ha decidu da realisar uonn la fossa communabla el santeri da Rabius. Pils ulteriurs santeris da Surrein e Sumvitg duei era vegnir realisau ina tala fossa. Cu che quei duei succeder vegn aunc pér decidu.

13. Varia

Sin entginas damondas arisguard la fossa communabla dat il president aunc ulteriuras informaziuns.

Fabian Bearth engrazia per il sustegn che sia famiglia ha astgau retscheiver a caschun dalla malsogna da lur fegl Marc e per las numerusas oraziuns.

Sur Saji engrazia per il sustegn ch'el ha retschert sin las differentas modas e per la buna collaboraziun cun la suprastanza da pleiv e tuttas parochianas e parochians.

Rabius, 28.05.2024

Igl actuar
Armin Candinas

Il president
Walter Deplazes